

L'entir mund dal traffic public

Qua en l'urari uffizial chattais Vos las colliaziuns da trens, pendicularas, bastiments ed autobus da la Svizra. Ultra da quai survegnis Vos infurmaziuns davart blers servetschs a la staziun, en l'internet ed auter pli. Sche Vos avais dumondas concretas, pudais Vos contactar mintga staziun cun servetsch. E sin SBB Mobile u sbb.ch vesais Vos tut las colliaziuns actualas dal di en temp real, pudais cumprar Voss bigliet mo cun dus clics e chattais numerusas infurmaziuns ed inspiraziuns per Vossa proxima excursiun. Nus As gjavischain bun viadi!

Chattar la colliaziun directa

Tuttina tge che Vos vulais savair per Voss viadis cun il tren: infurmaziuns survegnis Vos al post da vendita, al telefon u en l'internet (sbb.ch).

sbb.ch – tut per Vossa mobilitad

Chattai las colliaziuns da porta a porta cun noss urari online! Ultra d'in plan da viadi precis survegnis Vos infurmaziuns nizzaivlas davart Voss lieu da partenza e d'arriv (sbb.ch/fahrplan).

Cumprai bigliets ed abunaments da tuttas uras! Bigliets per la Svizra e per bleras colliaziuns internaziunalas pudais Vos squitschar cun l'agen stampader (sbb.ch/kaufen).

Ideas variadas per il temp liber e las vacanzas! Profitai d'interessantas purschidas cumbinadas per excursiuns pli grondas u pli pitschnas e per occurrenzas e reservai Voss bigliets online (sbb.ch/freizeit).

24 uras a Vossa disposiziun: Rail Service 0848 44 66 88 (CHF 0.08/min)

Mintga di durant 24 uras pudais Vos empustar bigliets sut quest numer, reservar plazz u survegnir infurmaziuns a moda svelta e nuncumplitgada.

Automats da bigliets

A las staziuns ed a las fermadas da las VFF e d'autras interpresas da transport stattan a disposiziun automats da bigliets. Quels permettan da retrair bigliets e da profitar da blers auters servetschs durant 24 uras al di, e quai a moda cumadaivla e senza spetgar. Pajar pudais Vos en CHF, euros (mo bancnotas), RekaRail, schechs da Reka sco era cun cartas da debit e da credit.

Ulteriuras infurmaziuns sin sbb.ch/billettautomat. Sche Vos duvrais agid per cumprar il bigliet, As stat a disposiziun il Contact Center da las VFF sur il numer da telefon gratuit 0800 11 44 77.

SBB Mobile – Voss accompagnader da viadi persunal

SBB Mobile è adattà perfetgamaing a Voss basegns per viajar cun ils meds da traffic publics. Vos pudais consultar l'urari cun simpels moviments da sfruschar e cumprar il bigliet cun mo dus clics. Las pli impurtantas infurmaziuns sco il binari da partenza, las indicaziuns per midar tren, las midadas da binaris ed ils retards vesais Vos en temp real sin Voss smartphone. Ulteriuras funcziuns favuravlas per ils utilisaders sco la localisaziun automatica da la fermada la pli manaivla u la visualisaziun da la furnaziun dal tren fan da l'app Voss accompagnader da viadi digital en il mintgadi.

SBB Mobile datti per iOS ed Android ed As stat a disposiziun gratuitamaing. Dapli infurmaziuns sin sbb.ch/mobile.

Laud, critica, propostas. Il dialog da clients VFF 0800 401 401 (gratuit)

N'essas Vos betg cuntent cun in servetsch specific? Ha insatge legrà Vos particularmain? U avais Vos propostas? Alura contactai nus. Nus stain gugent a Vossa disposiziun.

SBB Kundendialog
Chascha postala
3000 Berna 65

telefon: 0800 401 401 (gratuit) u internet: sbb.ch/kontakt
glindesdi fin venderdi da las 8.00 fin las 17.00, danor ils firads

Tschertgar e chattar: il servetsch da chat da las VFF s'occupa da la rauba persa (sbb.ch/fundservice)

Avais Vos emblidà insatge en il tren ubain a la staziun e vulessas savair, sch'insatgi ha chattà l'object? Annunziai Voss objects pers a noss servetsch da chat. Vossa annunzia via l'internet è gratuita. In'annunzia telefonica al Rail Service 0848 44 66 88 (CHF 0.08/min) u al spurtegl custa CHF 15.–. Vos pudais retrair l'object pers cunter ina taxa durant las uras d'avertura localas en var 100 centers da viadi en l'entira Svizra.

Dapli independenza cun l'abunament general

La moda da viagià la pli bella e simpla! Simplamain entrar en il proxim tren e partir: cun l'abunament general viagiàis Vos gratuitamain en ils trens da las VFF ed en la gronda part dals ulteriurs trens en Svizra. Ultra da quai pudais Vos er ir gratuitamain cun bastiments, bus e trams e profitais da reduziuns per bleras pendicularas. Cun l'abunament general Duo Partner e Familia pon commembers da Vossa famiglia u personas che vivan en Vossa chasada comprar pli favuravlamain in abunament general. Vos pudais decider, sche Vos vulais pajar Voss abunament general ina giada l'onn u mintga mais. Mintga abunament general ha a l'entschatta ina durada da contract minimala da 4 mais, independentamain da l'interval da pajament. Eventuals supplements da notg n'èn betg inclus en il pretsch. Indicaziuns detagliadas davart las singulas purschidas survegnis Vos a Voss post da vendita u sin sbb.ch/ga.

Spargnar cun l'abunament da lingia u cun l'abunament modular

Il medem trajet per main daners

Sche Vos viagiàis l'entir onn sin il medem trajet – per exempel la via a la lavur – pajais Vos cun l'abunament da lingia d'in onn resp. l'abunament modular d'in onn sulettamain il pretsch da 9 mais. L'abunament survegnis Vos era per in mais. Voss abunament pudais Vos cumbinar cun las lingias d'auto da posta e tscherts servetschs da bus e/u cun purschidas da zona-traject-zona flexiblas.

L'abunament per uffants e giuvenils

Uffants e juniors da 6 fin 25 onns profiteschon d'ina ulteriura reduziun en la 2. classa. Per l'emprima empustaziun duvrain nus ina foto da passaport ed ina legitimaziun uffiziala.

Viagià a moda nuncumplitgada cun il tren, il bus ed il tram cun abunaments da colliaziun

En las bleras regions da la Svizra èn sa colliads ils manaschis dal traffic public a cuminanze da tariffas. Quai vul dir ch'il medem sistem da tariffas simpel vala en l'entira zona colliada. Il plan da zonas mussa per quantas zonas ina sper l'autra (spazi) dad A fin B ch'ins sto comprar l'abunament. Il dumber da las zonas utilizadas dat il pretsch da viadi. Tuttina, sche Vos prendais il tren, il bus u il tram; a l'intern da las zonas, per las qualas vala l'abunament, pudais Vos viagià cun mintga med da transport public.

Bigliets singuls per zonas colliadas

La gronda part da las cuminanze da tariffas porschan ultra dals abunaments gia enconuschents era bigliets singuls, cartas dal di, cartas da plirs viadis e bigliets per gruppas. Cun l'abunament da mesa taxa profitais Vos da pretschs reducidos per tut ils viadis. Tuttina, sche Vos faschais in singul viadi u sche Vos viagiàis mo mintgant; las cuminanze da tariffas han per mintga basegn da mobilitad il bigliet adattà. Infurmaziuns detagliadas davart las singulas purschidas survegnis Vos al post da vendita u sin sbb.ch/verbund.

Abunaments da colliaziun

Sche Vos viagiàis in entir onn en las medemas zonas – per exempel la via a la lavur – spargnais Vos cun l'abunament da colliaziun d'in onn: Vos pajais sulettamain il pretsch da 9–10 mais, tuttina, sche Vos viagiàis en la 1. u 2. classa. E per Vossa segirezza: sche Vos perdais l'abunament da colliaziun d'in onn, al restituiun nus (mo cun la quittance). Natiralmain survegnis Vos l'abunament da colliaziun era per in mais e per part era per in'emna.

Per l'emprima empustaziun duvrain nus ina foto da passaport ed ina legitimaziun uffiziala.

Infurmaziuns detagliadas davart las singulas purschidas survegnis Vos al post da vendita u sin sbb.ch/verbund.

Abunament da colliaziun junior

Uffants e giuovens creschids da 6 fin 25 onns profiteschon d'ina ulteriura reducziun da passa 20% en la 2. clas-
sa. Per l'emprima empustaziun duvrain nus ina foto da passaport ed ina legitimaziun uffiziala.

Viadis sur la zona da colliaziun ora

Sche Vus faschais in viadi sur la zona da colliaziun ora, èn valaivels ils bigliets da colliaziun fin a la davosa
fermada tenor urari en las zonas, per las qualas Vus avais cumprà il bigliet. En quels trens che na sa ferman
betg en las zonas, per las qualas Vus avais cumprà il bigliet, n'èn betg valaivels ils bigliets da colliaziun.

Uschè individual sco Vus – l'abunament modular

Cun l'abunament modular cumbainas Vus trajects e zonas gist tenor Voss basegns. Vus viagiais da regiun a
regiun e na stuais entaifer Vossa regiun da partenza e d'arriv betg cumprà ulteriurs bigliets.
Dapli infurmaziuns davart l'abunament modular survegnis Vus al post da vendita.

Viagiar pli favuraivlamain cun l'abunament da mesa taxa

Cun l'abunament da mesa taxa viagiais Vus per mez pretsch en tut ils trens da las VFF ed en la gronda part dals
ulteriurs trens sco era cun bastiments, bus e trams. Eventuals supplements da notg n'èn betg inclus en il
pretsch. Dapli infurmaziuns davart ils avantatgs da l'abunament da mesa taxa survegnis Vus al post da vendita
u sin sbb.ch/halbtax.

Carta dal mais cumbinada cun l'abunament da mesa taxa: l'abunament general per in mais

Supplementarmain a l'abunament da mesa taxa pudais Vus cumprà ina **carta dal mais**. Uschia è l'abunament
da mesa taxa per in entir mais in abunament general.

Cartas dal di cumbinadas cun l'abunament da mesa taxa: via libra!

Empè da cumprà in mez bigliet viagiais Vus savens pli favuraivlamain cun la **carta dal di** cumbinada cun
l'abunament da mesa taxa. En pli avais Vus la pussaivladad da viagiar in entir di sco sche Vus avessas in abuna-
ment general.

Per uffants da 6 fin 16 onns datti la **carta dal di per uffants**. Mintga uffant dovra in'atgna carta dal di per uf-
fants e mintga persuna creschida (sur 16 onns) po accompagnar maximalmain quatter uffants.

Cartas da l'onn per famiglias

Cun la **carta junior** pon uffants da 6 fin avant il 16avel anniversari viagiar in entir onn gratuitamain cun ils
meds da traffic publics, sch'els vegnan accompagnads d'in genitur cun in bigliet valaivel. A partir dal terz uf-
fant survegnis Vus la carta junior gratuitamain. Mussai simplamain las duas autras cartas junior al spurtegl.

Cun la **carta d'uffants accompagnads** viagian uffants da 6 fin avant il 16avel anniversari in entir onn gratuita-
main tras la Svizra, sch'els vegnan accompagnads d'ina persuna a partir da 16 onns cun bigliet valaivel. Mint-
ga persuna creschida po accompagnar maximalmain quatter uffants.

Viagiar en multipac cun la carta da plirs viadis

Sche Vus na viagiais betg regularmain, ma adina puspè sin il medem traject, pudais Vus profiter da la carta da
plirs viadis: 1x cumprà e 6x viagiar. La carta da plirs viadis en format pratic è impersonala ed è perquai trans-
feribla – ella vala era per plirs passagiers ensemen ed en cumbinaziun cun la carta junior u la carta d'uffants
accompagnads.

Anc pli mobil grazia al City-Ticket

Tuttina, sche Vus viagiats privat u fashchais in viadi da fatschenta – cun il City-Ticket è Voss viadi en citad complet. Il City-Ticket include, ultra dal viadi tranter il lieu da partenza ed il lieu da destinaziun, in bigliet dal di per viadis nunlimitads sin la rait dals meds da traffic publics en la citad da partenza e/u da destinaziun. El è il di da viadi Voss pass liber per tut ils meds da traffic publics da la citad tschernida. Vus survegnis il City-Ticket a mintga post da vendita, als automats da bigliets, online sin sbb.ch/kaufen u via SBB Mobile.

Spargnar cun il bigliet da grupp

Gruppas d'almain diesch personas ch'èn ensemen sin viadi profiteschan da numerusas reducziuns:

- reducziun da 20% sin il pretsch da viadi regular per creschids senza abunaments.
- reducziun da 60% sin il pretsch da viadi regular per viaggiaturs cun l'abunament da mesa taxa, uffants da 6 fin 16 onns sco era scolars, giuvenils e students fin 25 onns.
- Mintga 10avla persuna è gratuita (tar purschidas cumbinadas da RailAway per gruppas: viadi e prestaziun supplementara).
- Nus restituin ils custs dal bigliet per il traffic public d'ina persuna sin viadi d'exploraziun, sche Vus reservais Voss viadi da grupp cun il traffic public.
- Profitai da purschidas cumbinadas favuraivlas da RailAway per gruppas: sbb.ch/gruppenreisen e sbb.ch/schulreisen.

Tar la grupp pon era tutgar personas cun in abunament general u cun in abunament annual personal. Betg far part d'ina grupp pon dentant personas cun cartas dal di cumbinadas cun l'abunament da mesa taxa, cun cartas dal di reducidas, cartas dal di da vischnancas u abunaments Gleis 7 ed uffants che viagian gratuitamain cun cartas dal di per uffants, cartas junior u cartas d'uffants accompagnads sco er uffants fin il 6avel onn da vegliadegna.

Il dumber da plazs da seser per gruppas è contingentà. Reservai perquai il pli baud pussaivel per che nus possian procurar per avunda plazs da seser. Bigliets da grupp pudais Vus reservar fin las 15.00 dus dis avant il viadi al spurtegl u per telefon al Rail Service 0848 44 66 88 (CHF 0.08/min). Vus pudais dentant reservar Voss viadi da grupp er online sin: sbb.ch/gruppenreisen.

Bigliets ordinaris per quels che viagian mo da temp en temp


Sche Vus viagiats mo da temp en temp: il bigliet ordinari

Per singuls viadis prendais Vus in bigliet ordinari ch'è valaivel in u diesch dis tut tenor la distanza. Excepziun: bigliets online e mobile. Uffants sut 16 onns viagian per mez pretsch, uffants accompagnads sut 6 onns viagian gratuitamain.

km	→	⇄
fin 115	di d'emissiu	di d'emissiu
a partir da 116	di d'emissiu	10 dis

La valaivladad dals bigliets ordinaris cumprads via il webshop u l'app SBB Mobile sa differenziescha dals bigliets cumprads al spurtegl ubain a l'automat. Ils dis da viadi ston esser determinads gia cura ch'ins cumpra ils bigliets. En il webshop pudais Vus tscherner la data dal viadi da return. Sche la data dal viadi d'ir e turnar è identica, è il bigliet da return valaivel mo la data tschernida. Sche Vus na returnais betg il medem di sco quai che Vus essas parti, survegnis Vus per mintga trajet in bigliet separà. Ils bigliets da return cumprads cun l'app SBB Mobile èn valaivals mo la data tschernida. Sche Vus na returnais betg il medem di, stuais Vus cumprar dus bigliets simpels.

Avant la partenza: cumprar bigliets e/u svalitar els

Quest simbol  As renda attent che Vus na pudais cumprar nagins bigliets en quest tren. Cumprai e/u svalitar Voss bigliet avant la partenza. Senza in bigliet valaivel pajais Vus in supplement. Vossas personalias vegnan registradas. Il supplement s'augmenta en cas da repetiziun.


Calcalaziun dals pretschs da viadi

Ils pretschs vegnan eruids a maun dal kilometer da tariffa (T603/T604) e da la tabella da pretschs per bigliets ordinaris (T600). Questas e bleras autras infurmaziuns davart las tariffas chattais Vos sin sbb.ch/tarife. Infurmaziuns detagliadas davart ils pretschs survegnis Vos cun consultar l'urari correspondent sin sbb.ch u via l'app SBB Mobile u il Rail Service 0848 44 66 88 (CHF 0.08/min).

Viagiatur cun ina mobilitad restrenschida (sbb.ch/mobil)

Il Call Center Handicap da las VFF è il post da consultaziun per viaggiatur cun ina mobilitad restrenschida per tut las dumondas en connex cun viadis cun ils meds da traffic publics. El è cuntanschibel mintga di da las 6.00–22.00 sur il numer gratuit 0800 007 102.

Per viaggiatur en la sutga cun rodas e per personas impedidas da chaminar sco era personas tschorvas ed impedidas da la vesida stattan a disposiziun en 180 staziuns da basa agids da mobilitad per entrar e sortir dal tren. Per pudair organisar Voss viadi a moda optimala dovra il Call Center Handicap da las VFF (numer gratuit 0800 007 102) Vossa annunzia fin il pli tard in'ura avant la partenza da Voss tren (en cas excepziunals duas uras avant la partenza). Empustai per plaschair viadis en la sutga cun rodas en il traffic internaziunal cun rezervaziun da plazz fin il pli tard dus dis da lavur avant la partenza a Vossa staziun u sur il Rail Service 0848 44 66 88 (CHF 0.08/min) ed annunziai il viadi al Call Center Handicap da las VFF (0800 007 102).

Cun intginas excepziuns han tut ils trens da las viafiers svizras a binari normal e sin tscherts trajects era trens regionalis e trens urbans vaguns da 2. classa cun compartiment per sutgas cun rodas. Il lieu è marcà dadens e dadora cun il pictogram .

Per che l'agid d'entrar funcziunia a moda optimala, As supplitgain nus dad esser sin il perrun da partenza sper il mobilift (amez il perrun) 10 minutas avant ch'il tren parta.

Tut ils ulteriurs detagls chattais Vos en noss brochura «Barrierefrei unterwegs» u en l'internet sin sbb.ch/mobil. La brochura gratuita pudais Vos empustar per telefon tar il Call Center Handicap da las VFF (0800 007 102) u retrair a la staziun.

Da porta a porta cun l'auto, il velo ed il tren

Cumbinar l'auto, il velo ed il tren a moda raffinata

Las VFF As porschan differentas pussaivladads per viagiur uschè effizientamain sco pussaivel. Cumbinai ils meds da traffic individuals cun ils meds publics. Uschia essas Vos svelta a la staziun, viagiats suenter individualmain vinavant cun il tren ed arrivais a temp en Voss lieu da destinaziun. Infurmaziuns davart las pussaivladads da cumbinar chattais Vos sin sbb.ch/mobilitaet.

Ir a la staziun a moda individuala

Ir a la staziun cun il velo u cun la moto.

Per vehichels a duas rodas stattan a disposiziun a las staziuns svizras passa 91 000 plazz da parcar, en tscherts lieus hai schizunt staziuns da velos survegliadas. sbb.ch/bikeparking.

Ir a la staziun cun l'auto.

Vus abitais en in lieu che n'ha nagina staziun u che n'è betg collià optimalmain cun la rait da traffic publica, ma vulais tuttina far in viadi pli lung cun il tren? Alura nizzegiai P+Rail. Vos parcais Voss auto a la proxima staziun sin il parcardi P+Rail e cuntinuais Voss viadi cun il tren. Cartas dal di P+Rail datti per in u set dis suandants – era cun l'app P+Rail da las VFF. sbb.ch/parking.

Cuntinuar a la staziun il viadi a moda individuala

Sche necessari pudais Vos viagiur da la staziun da destinaziun ils ultims kilometers cun l'auto u cun il velo. Uschia arrivais Vos a moda cumadaivla e directa al lieu da sesida, en il biro, tar enconuschents e parents ubain a la piazza da picnic en la natira.

Continuar il viadi cun l'auto.



A la staziun da destinaziun pudais Vos simplamain prender in taxi u in auto da CarSharing. Uschia cuntanschais Vos cumadaivlamain Voss lieu da destinaziun – era sche quel n'è betg accessibel optimalmain cun il trafic public. Questas pussaivladads da cumbinar s'adattan tant per Vossa mobilitad professiunala sco era privata. Ulteriuras infurmaziuns sin sbb.ch/taxi e sbb.ch/carsharing.

Continuar il viadi cun il velo da locaziun u il velo da Bikesharing.

Faschai in'excursiun cun il tren ed il velo da locaziun. Velos da locaziun per l'entira famiglia chattais Vos en 200 lieus en Svizra, 80 da quels sa chattan a las staziuns. Vos viagiais cumadaivlamain cun il tren, surpigliais Voss velo directamain a la staziun e partis per Vossa tura da velo individuala. Las pli bellas turas cun velos da locaziun chattais Vos da l'avrigl fin l'october sin sbb.ch/mietvelo.

PubliBike porscha en differentas citads staziuns da Bikesharing cun velos ed e-bikes che Vos pudais emprestar 24 uras al di sez ed a moda nuncumplitgada. Ulteriuras infurmaziuns chattais Vos sin sbb.ch/bikesharing.

Prender il velo en il tren: chargiar sez il velo

Cun il bigliet per velos pudais Vos chargiar sez Voss velo en la gronda part dals trens e dals autos da posta en Svizra. Il transport costa. Ils trens e las lingias d'auto da posta senza pussaivladad da chargiar il velo èn marcads en l'urari stampà, en l'urari online ed en l'app SBB Mobile cun il simbol . Trens u autos da posta che ston vegnir reservads èn marcads cun il simbol da reservaziun per velos .

Tut tenor las frequenzas – particularmain da bell'aura – pon las capacitads per chargiar sez il velo vegnir a cunfins sin singuls trajects. Guardai la prognosa d'occupaziun en l'urari online ed en l'app SBB Mobile. Plani-sai per plaschair ad uras Voss viadi e resguardai ils tips e las remartgas sin sbb.ch/veloverlad.

Viagiar senza bagascha

Cun nus viagia Vossa bagascha tut suletta – da staziun a staziun u da porta a porta, en Svizra ubain a l'exteriur.

Per viadis cun il tren en Svizra ed en Germanian

Grazia a la «bagascha da viadi» viagiais Vos cun il tren en Svizra ed en Germania senza Vossas valischs.

Nus vegnin per Vossa bagascha a Voss domicili e la tramettain a l'adressa da destinaziun. Alternativamain pudais Vos era sez dar giu Vossa bagascha a la staziun e laschar furnir ella ad ina staziun en Svizra u ad in'adressa en Svizra u en Germania.

Per sgols

Bagascha da sgol da la staziun a l'eroport da Turitg.

Viagiar a l'eroport senza la bagascha: dai giu Vossa bagascha da sgol in di avant la partenza da l'aviun en ina staziun da Voss giavisch en Svizra. Il di da Voss sgol giaiis Vos per Vossa bagascha al spurtegl da bagascha da las VFF a l'eroport da Turitg.

Bagascha da sgol dal domicili a l'eroport da Turitg ubain a l'eroport a l'exteriur cun check-in.

Nus vegnin a Voss domicili per la bagascha da sgol la saira avant la partenza da Voss aviun e Vos giaiis l'auter di per ella al spurtegl da bagascha da las VFF a l'eroport da Turitg.

Sche Vos sgulais cun Swiss u Edelweiss faschain nus er il check-in per Vos ed As purtain la carta da bord, cura che nus giaiin per Vossa bagascha. Directamain suenter l'atterrament survegnis Vos Vossa bagascha a l'eroport da destinaziun.

Ulteriuras infurmaziuns chattais Vos sin sbb.ch/gepaeck.

Profitar dals servetschs a la staziun

Da la damaun fin la saira ed en Vossa vischinanza:

Stgomi da daners da las VFF (sbb.ch/change) / Transfer da daner contant Western Union (sbb.ch/wu)

En var 180 staziuns cun SBB Change pudais Vos midar Voss daners da viadi en passa 90 differentas valutas estras e puspè enavos – a moda cumadaivla e simpla. Ils spurteglis da stgomi èn savens averts pli ditg, en staziuns pli grondas era las fins d'emna. L'empustaziun è era pussaivla online sin sbb.ch/change.

Medemamain da retrair a las staziuns cun SBB Change

- la carta Travel Cash – ils daners da viadi segirs. La carta è disponibla en francs svizzers, euros e dollars americans.
- las uras da staziun da las VFF da Mondaine, sco ura da bratsch, ura da paraid, ura da giaglioiffa u svegliarin.

Cun il servetsch da transfer da daner contant pudais Vos ultra da quai trametter daners cun Western Union en passa 200 pajais e paucas minutas pli tard èn quels disponibels en in dals passa 500 000 posts da pajament. Ulteriuras infurmaziuns sin sbb.ch/wu u via la hotline da Western Union da las VFF 0800 007 107 (gratuita).

Chargiar Voss telefonin prepaid

A tut ils automats da bigliets pudais Vos chargiar da tuttas uras l'import giavischà sin Voss telefonin prepaid da tut ils purschiders.

As servi per plaschair: prospects ed uraris

I vala la paina da dar in'egliada sin nosssa curuna da prospects a la staziun. Là chattais Vos tut las infurmaziuns per Voss viadis cun il traffic public e pudais As laschar inspirar da nossas grondiusas ideas per il temp liber.

Cun resalva da midadas: midadas d'indicaziuns da l'urari, dals kilometers, da las offertas e dals pretschs restan resalvadas explicitamain.